

Conventu Soproniensi publicatum, vi cuius tripartita electio, & officiorum distributio sub diversis poenis futuris observanda precipitur. Quia vero hæc animarum dissentio, & Sacris Canonibus, Ordinisque Constitutionibus vetita oppositis, præter pu- fillorum scandalum, & sæculi admirationem, magnum almæ Provinciæ, majusque in futu- rum minatur detrimentum; Officii mei ratio exigebat, opportunum tanto malo adferre remedium. Quapropter in hunc finem ad par- tium instantiam, & de speciali facultate Re- verendissimi Patris Commissarii Generalis, Superioris nostri longe colendissimi, convo- cavi ad Metropolitanum Pofoniensem Divæ Virginis Annunciatæ Conventum Patres A. RR. Ministrum Provinciale, totumque Venerabile Definitorium, & admodum Rev. P. Ordinis Exdefinitorum Generalem, cæ- terosque emeritos Provinciæ Patres olim Ministeriatu functos, & præmissa privata cum iisdem consultatione, & animorum compositio- ne, tandem septima Martii ad Cellam meæ residentia omnes congregavi, ac habita prius ad eos de pace & fraterna charitate adhor- tatione, singuli prævia fraterna deprecatione ex laudabili publici boni ac Provinciæ tran- quillitatis zelo omnes offensas atque quæ- cumque injurias directe aut indirecte illatas sibi mutuo sincere condonarunt, ac desuper sponte & libere consenserunt, & acceptarunt Constitutionem Sanctissimi Domini Nostri PP. Benedicti XIII. incipien. *Exponi No- bis* &c. sub datum Beneventi 4. Aprilis 1727, & decreta Reverendissimi Patris Ministri Ge- neralis de tripartita electione in Provinciam introducta, & futuris semper temporibus in- violate observare spondederunt.

§. 3. Porro pro perpetua pace, & animo- rum concordia, tanto fortius & firmiter stabi- lienda, statuit Venerabile Definitorium, & AA. RR. Ordinis respectivæ, & Provinciæ Pa- tres Emeriti, ut in causa acceptata vel recu- sata hucusque Apostolicæ Constitutionis, tri- partitam electionem præcipientis, perpetuum omnibus silentium imponatur, ita ut nullo unquam tempore quis gloriari aut conqueri audeat, se in causa vicisse aut succubuisse; pa- riter, ne quis jactare audeat aut gloriari, se ex sua natione habere Superiorem, minus in suo patrocinio sese fundare, cum Superior omnium subiectarum sibi nationum æqualem curam & paternam sollicitudinem gerere, omneque pari sinceritate, & amoris exhibi- tione prosequi teneatur, quod Fratribus Lai- cis peculiariter simul & nervose a Superiori- bus inculcandum, atque a suis Confessariis efficaciter sapius suggerendum erit. Si quis vero in præmissis contraverit, illi indilate de solo Patrum Discretorum Conventus con- silio ad domum disciplinæ includantur, inibi per triduum in pane & aqua jejunaturi; qui- bus poenis etiam subiciantur Socii, si has publi- cæ paci perniciosas transgressiones non revelaverint. Superiores vero locales, statu- tas hæc poenas non infligentes, ipso facto ab officio suspendantur, aut gravius etiam arbi- trario Venerabilis Definitorii puniantur. In- cuius rei fidem majusque robur propria manu

subscriperunt, & majus Provinciæ sigillum apposuerunt.

Ita est Fr. Matthias Thum, Provinciæ Diffinitor Slavus.

Fr. Ludovicus Purman, Provinciæ Diffi- nitor Hung.

Fr. Gaspar Szente, Provinciæ Custos Hung.

Fr. Bernardus Ramocshabazii, Provinciæ Pater Hung.

Ita est Fr. Joannes Capostranus Sebach, Germanus Minister.

Fr. Carparus Nukeries, P. Diffinitor Croata.

Fr. Josephus Boiger, P. Diffinitor Germ.

Fr. Antonius Posomp, Provinciæ P. Hung.

Fr. Andreas Pordamp, Hungariæ Pro- vincia Pater, & Exdefinitor Generalis.

Loco \* Sigilli Magni.

§. 4. Quoniam vero in votis habes, ut & ceteri Patres & Fratres præclaro hoc exem- plo commoti sibi invicem cohæreant, singu- los verbis D. Pauli Apostoli ad Coloss. 3. pa- terne exhortor: *Super omnia autem charita- tem habere, quod est vinculum perfectionis, & pax Christi exultet in cordibus vestris, in quo & vocati estis in uno corpore.* Sicut anima non vivificat nisi conjuncta membra, ita nec Spiritus Sanctus Religiosos per discordias & scissuras separatos. Meminerint itaque serio dilectissimi Patres & Fratres, quod ubi chari- tas est, ibi Deus sit. Dei provide eritis, si unum fueritis, sit in vobis proinde unio intellectus & iudicii, ut idem cum Superioribus & ma- joribus vestris sapiatis, sit unio affectionis & dilectiones, ut confratres vestros tamquam omnes genui nos hujus Provinciæ Filios, non carnaliter, sed spiritualibus per Deum, secun- dum Deum, & in Deo diligatis, ac omnes particulares amicitias, quas maledicta olim a S. Patriarcha nostro Francisco nationalitas didicet, penitus abscindatis; Sit tandem unio voluntatum & cordium, ut unanimes idem & spontaneè accepteris, & prompte subscri- batis, quod sicut pro communi hujus almæ Provinciæ bono desiderio ita omnibus ex ani- mo benedico: In Nomine Patris, & Filii, & Spiritus Sancti: Amen. Datum in nostro Pof- onienfi dictæ Virginis Annunciatæ die 7. Martii 1730. Fr. Sigismundus Skerpin Com- missarius Visitator Generalis: Et postmodum cum prædicta Provincia Mariana ex tercen- tis septuaginta octo Sacerdotibus & Clericis componatur, & singuli a supradicto Visitato- re Generali interrogati, memorati Benedicti Prædecessoris literis, uno excepto, videlicet dilecto filio Provinciali, omnes Vocales, ne- mine prorsus discrepante non modo prædictas literas iterum habentes, capitulariter accep- tarunt, verum etiam concorditer statuerunt tripartitam alternativam in eis contentam pariter extendendam esse ad subrogationes & substitutiones perpetuis futuris temporibus sub nullitatis pœna omnino servandam, & alias prout etiam continetur in decreto Ca- pitulari tenoris sequentis, nempe: Ad stabi- liendam in hac alma Beatissimæ Virginis Mariæ

Mariæ Hungariæ Provinciæ perpetuam pa- cem & tranquillitatem, Nos infra scripti in Capitulo Provinciali Pofonii legitime con- gregati Vocales uno ore & corde accepta- mus, atque ut veros & obediens S. R. E. & Sancti Patris nostri Francisci Filios decet, perpetuis futuris temporibus observari desi- deramus & volumus Breve Sanctissimi Do- mini Nostri Benedicti XIII. san. mem. vi cuius bipartita electio, & officiorum distributio precipitur, Quia vero in prædicto Pontifi- cio Brevi in virtute Sanctæ Obedientiæ, & sub excommunicationis majoris latæ senten- tiæ pœna, in hac Mariana Provinciæ obser- vari, & executioni demandari precipitur, expressum non est, utrum præfata alternativa servanda sit non solum in electionibus, sed etiam in subrogationibus & substitutionibus, ea propter negotium istud adamusim expen- dens Venerabile Definitorium, & totum Provinciale Capitulum, in Conventu Pofoniensi congregatum, unanimi omnium nationum consensu determinavit, quod suprafacta al- ternativa intelligi, sumi, & perpetuis futuris temporibus observari debeat, non solum in Electionibus Capitularibus, sed etiam in qui- buscumque subrogationibus & substitutionibus; ita quidem, ut si intra Capitulare Trien- nium contingat eligendum esse Vicarium, vel Commissarium Provinciale, aut Pro- ministrum, vel Custodem, talis eligatur ex ea natione, ex qua fuit ille, loco cuius iste subrogandus vel substituendus manet. Hanc autem præsentem & ultimam determinatio- nem Capitularem Venerabile Definitorium, & totum Provinciale Capitulum in perpetuum observari ac manuteneri mandat, & a modo secus futuras Electiones, subrogationes, aut substitutiones pro nullis, & irritis haberi statu- it & præcepit. Desiderat quoque hanc Pro- vincia determinationem circa subrogationes aut substitutiones a Reverendissimo Patre Vice-Commissario Generali, aut, si opus fue- rit, etiam a Sacra Congregatione confirman- dam. Desuper duo instrumenta confecta & conscripta sunt, unum Romam mittendum, alterum in Archivio Provinciæ servandum, quibus omnes & singuli de corpore Capituli subscriperunt in Conventu nostro Pofoniensi Beatissimæ Virginis Annunciatæ die 23. Ju- nii 1730.

Subscriptio- nes Vocalem.

Fr. Hieronymus Lukasil Guardianus Pofonien.

Fr. Bernardus Imnerk Guardianus Sopron.

Fr. Blasius Miartan Guardianus S. Catharinæ.

Fr. Franciscus Xelutnix Guardianus Nitrien.

Fr. Arsenius Kofler Guardianus Ersek- vivak.

Fr. Henricus Klikovics Guardianus Nee- meth.

Fr. Gabriel Gajan Guardianus Malauken.

Fr. Severinus Podhradgyai Guardianus S. Antonii.

Fr. Florianus Ozolii Guardianus Jaurinen.

Fr. Athanasius Vveninger Guardianus Kismastonien.

Fr. Benignus Kasfai Guardianus Sabari- rien.

Fr. Michael Gomboss Guardianus Pa- pen.

Fr. Zacharias Pussai Guardianus Comaron.

Fr. Sebastianus Hoini Guardianus Stri- gon.

Fr. Antonius Szumjogr Guardianus Pestien.

Fr. Leo Orehorski Guardianus Sancti Ladislai.

Fr. Hiacinthus Klanihons Præsident Strigon.

Fr. Christopharus Schiesei Præsident Alben.

Fr. Crescentius Paur Guardianus S. Montis Calvarii.

Fr. Matthias Flum Præsident Kesthe- lien, & Provinciæ immediatus Exdefi- nitor.

Fr. Joseph Boyger Præsident Budensis, & immediatus Exdefinitor.

Fr. Carparus Szente Præsident Resprim, & immediatus Ex-Custos.

Fr. Agidius Hill Guard. Sumeghiens, & Definitor actualis.

Fr. Marianus Vyfallchs Ex-Guardianus Andocfen., & Definitor actualis.

Fr. Gasparus Vuketits Provinciæ imme- diatus Exdefinitor.

Fr. Petrus Heineg Provinciæ Definitor actualis.

Fr. Demetrius Heim Ex-Guardianus Praten. Provinciæ Diffinitor, & Secreta- rius.

Fr. Sebastianus Pankl. Provinciæ Cu- stos.

Fr. Antonius Pofonii Provinciæ Pr.

Fr. Bernardinus Karnhki Pr.

Fr. Capistranus Ebeck Exminister Pro- vincialis.

Fr. Andreas Pordani Exdefinitor gratis iterato, & Minister Provincialis actualis.

Loco \* Sigilli.

Sequuntur nomina aliorum Voca- lium.

§. 5. Cum autem, sicut eadem expositio subjungebat, firmiora sint, & ferventur ex- actius illa, quæ Apostolici muniminis præ- dicto roborantur; Nobis propterea dictus Ful- vius Procurator Generalis humiliter suppli- cari fecit, ut in præmissis opportune provi- dere, & ut infra, indulgere de benignitate, Apostolica dignaremur. Nos igitur ipsum Fulvium Procuratorem Generalem speciali- bus favoribus & gratis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure vel ab homine qua- vis occasione vel causa latis, si quibus quo- modolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, decretum acceptationis alternativæ tripartitæ, hujusmodi præinsertum, tam a Defini- torio,

Apostolica confirmatio- ne roboratur.

torio, quam a Vocalibus Capituli Provincia-  
lis predictae Provinciae in vim supradictarum  
literarum factum, & deinde ad subrogatio-  
nes, & substitutiones extensum, ut praefertur,  
cum omnibus & singulis in eo contentis, au-  
doritatem Apostolicam tenore praesentium pari-  
ter confirmamus & approbamus, illique in-  
violabilis Apostolicae firmitatis robur adjici-  
mus, ac omnes & singulos juris & facti defe-  
ctus, si qui desuper quomodolibet interven-  
erint, supplemus.

Claudia.

§.6. Decernentes, easdem praesentes li-  
teras semper firmas, validas, & efficaces exi-  
stere & fore, suisque plenarios & integros  
effectus sortiri & obtinere; ac ab illis, ad quos  
spectat, & pro tempore quomodocumque spe-  
ctabit, inviolabiliter observari; sicque in praem-  
issis per quoscumque Iudices ordinarios &  
delegatos, etiam Causarum Palatii Aposto-  
lici Auditores, judicari & definiri debere;  
ac irritum & inane, si secus super his a quo-  
cumque quavis auctoritate scienter vel ignoran-  
ter contigerit attentari.

§.7. Non obstantibus Constitutionibus &  
Ordinationibus Apostolicis, necnon praedi-  
ctorum Ordinis & Provinciae, etiam jura-  
mento, confirmatione Apostolica, aut quavis  
firmitate alia roboratis statutis, & consuetu-  
dinibus, privilegiis quoque, indulgentiis, & lite-  
ris Apostolicis in contrarium praemissorum  
quomodolibet concessis, confirmatis, & in-  
novatis. Quibus omnibus & singulis, illo-  
rum tenores praesentibus pro plene & suffi-  
cienter expressis, ac ad verbum insertis ha-  
bentes, illis aliis in suo robore permanentibus,  
ad praemissorum effectum hac vice dumtaxat  
specialiter & expresse derogamus, ceterisque  
contrariis quibuscumque.

Datum Romae apud Sanctam Mariam.  
Majorem sub Annulo Piscatoris die 16. Junii  
1732. Pontificatus Nostri Anno Secundo.

F. Card. Oliverius.

LXV.

Dat. die 9.  
Julii 1732.  
Pontif. An. II.

Erigitur Confraternitas, seu Congregatio  
nuncupat. Perpetuae Adorationis Sanctissimi  
Sacramenti, in Ecclesia Collegiata Sanctae  
Mariae ad Martyres de Urbe.

CLEMENS PAPA XII.

Ad perpetuam rei memoriam.

Exordium.

Pastoris aeterni, qui pro gregis salute in  
ara Crucis immolari voluit, vices, quam-  
quam immeriti, gerentes in Terris, pia Chri-  
stifidelium vota, Divini Cultus incrementum,  
& ipsorum fidelium salutem concernentia,  
ad exauditionis gratiam libenter admittimus,  
ut per operum piorum exercitium ad  
aeternae beatitudinis gaudia pervenire me-  
reantur.

Supplex  
bellus.

§.1. Cum itaque, sicut nonnulli Christifide-  
les Almae Urbis Nostrae Nobis nuper exponi  
fecerunt, ipsi pro sua erga Sanctissimum Eu-

charitiae Sacramentum pietate ac devotio-  
ne, utque alios fideles ad augmentum Divini  
Cultus, & venerationis, eidem Augustissimo  
Sacramento debite, accendant, in Saeculari &  
Collegiata Ecclesia Sanctae Mariae ad Mar-  
tyres, vulgo de Rotunda nuncupat. Urbis praefatae,  
nam eorumdem utriusque sexus Chri-  
stifidelium Confraternitatem, seu Congrega-  
tionem, sub titulo Perpetuae Adorationis  
ejusdem Sanctissimi Sacramenti Eucharistiae  
per Nos erigi summopere desiderant;

Confraternitas  
et cognoscitur

§.2. Nos piis deo, fidelium desideriis hujus-  
modi benigne annuere, animarumque saluti  
paterna charitate prospicere cupientes, sup-  
plicationibus, illorum nomine Nobis super hoc  
humiliter porrectis, inclinatis, in Saeculari, &  
Collegiata Ecclesia praedicta unam utriusque  
sexus Christifidelium Confraternitatem, seu  
Congregationem, quae non sit pro hominibus  
unius specialis artis sub titulo praefato sine  
alicujus praesudicio, & dummodo dilecti filii  
nostri in eadem Urbe Vicarii in Spiritibus  
Generalis expressus ad hoc accedat assensus,  
Apostolica auctoritate, tenore praesentium  
perpetuo erigimus & instituimus;

Privilegia  
que ei con-  
ceduntur.

§.3. Necnon Confratribus dictae Con-  
fraternitatis, seu Congregationis, pro tem-  
pore existentibus, ut processionaliter in-  
cedere: Divina Officia in sua Cappella vel  
Oratorio recitare: ac pro negotiis ipsius  
Confraternitatis, seu Congregationis, se-  
congregare: ac quaecumque Statuta, Capitu-  
la, Ordinationes, & Decreta, pro sa-  
lubri eorum & dictae Confraternitatis seu  
Congregationis regimine & directione ne-  
cessaria & opportuna licita tamen, & hon-  
esta, Sacrisque Canonibus, & Concilii Tri-  
dentini decretis, & Constitutionibus Apo-  
stolicis non contraria, per memoratum Vicarium  
examinanda & approbanda, facere & edere:  
illaque pro tempore, prout eis videbitur, &  
expediens fuerit, praevia simili examinatione  
& approbatione, mutare, alterare, corri-  
gere, & in melius reformare: & insuper om-  
nia & singula legata relicta, res, & bona quo-  
modolibet qualificata, mobilia & immobilia,  
per quoscumque Christifideles dictae Con-  
fraternitatis seu Congregationis per viam testa-  
menti, donationis, aut alias quomodolibet  
pro tempore elargienda & relinquenda, re-  
cipere, illaque per eorum Officiales & De-  
putatos regere, gubernare, & administrare,  
ac in ipsius Confraternitatis seu Congrega-  
tionis, & eorum piorum operum usus conver-  
tere, libere similiter & licite valeant; ita ta-  
men, ut de receiptis & administratis per eos  
eidem Vicario juxta decreta Conc. Trident.  
hujusmodi rationem reddere teneantur, au-  
doritatem & tenore praedictis concedimus &  
indulgemus.

Indulgentiae  
nonnullae pro  
Confratribus  
& Sociis.

§.4. Insuper, ut praefati Confratres in  
piorum operum exercitio confoveantur,  
ac magis ad illa imposterum exercenda, nec-  
non alii Christifideles ad dictam Confrater-  
nitatem seu Congregationem de cetero in-  
grediendum per amplius invitentur, eadem-  
que Confraternitas seu Congregatio majora  
in dies suscipiat incrementa, de Omnipotentis  
Dei Misericordia, ac Beatorum Petri & Pauli  
Apo-

Apostolorum ejus auctoritate confisi, omni-  
bus utriusque sexus Christifidelibus, qui dic-  
tam Confraternitatem seu Congregatio-  
nem imposterum ingredientur, die primo eo-  
rum ingressus, si vere poenitentes, & confessi,  
ac Sacra Communionem refecti, Ecclesiam seu  
Oratorium ipsius Confraternitatis seu Con-  
gregationis devote visitaverint, plenariam:  
necnon ejusmodi Confraternitati seu Con-  
gregationi nunc & pro tempore adscriptis  
Confratribus & Confororibus, vere itidem  
poenitentibus, & confessis, ac Sacra Com-  
munionem refectis, qui semel in anno saltem  
per horam, sibi a Superiore, vel alio per di-  
ctam Confraternitatem seu Congregationem  
ad id Deputato praescribendam, in honorem  
ejusdem Sanctissimi Sacramenti, in ipsius  
Confraternitatis seu Congregationis, aliave  
Ecclesia vel Oratorio, ubi illud aservatur,  
sive interdui sive noctu devote oraverint,  
idemque Sanctissimum Sacramentum adora-  
verint, similiter plenariam; ac dictis Con-  
fratribus & Confororibus, pariter poeniten-  
tibus, & confessis, sacraque Communionem  
refectis, qui praefata Confraternitatis seu  
Congregationis, aliave Ecclesiam vel Ora-  
torium, ubi Sanctissimum Sacramentum hu-  
jusmodi itidem aservatur, die festo Visita-  
tionis B. MARIE VIRGINIS a primis Vesperis  
usque ad occasum solis Festi ejusmodi sin-  
gulis annis devote visitaverint, & ibi pro  
Christianorum Principum concordia, here-  
sum extirpatione, ac S. Matris Ecclesiae exalta-  
tione pias ad Deum preces effuderint, etiam  
plenariam; atque eidem Confratribus &  
Confororibus in cujuslibet eorum mortis ar-  
ticulo, si vere poenitentes, & confessi, ac  
Sacra Communionem refecti, vel, quatenus id  
facere nequiverint, saltem contriti, nomen  
Jesu ore, si potuerint, sin minus, corde devote  
invocaverint, plenariam quoque omnium pec-  
catorum suorum Indulgentiam & remissionem  
misericorditer in Domino concedimus  
& elargimur. Praeterea dictis Confratribus &  
Confororibus, sicut praemittitur, poeniten-  
tibus & confessis, ac Sacra Communionem refe-  
ctis, ipsius Confraternitatis seu Congregatio-  
nis, aliave Ecclesiam vel Oratorium ejus-  
modi, feria quinta in Coena Domini, atque  
in festo Corporis Christi, & per totam illius  
octavam, devote, ut supra, visitantibus, & oran-  
tibus, quo die praefatorum id egerint, septem  
annos & totidem quadragenas: Quoties vero  
in aliqua Ecclesia vel Oratorio idem San-  
ctissimum Eucharistiae Sacramentum adora-  
verint: Missis & aliis Divinis Officiis ibi-  
dem pro tempore celebrandis interfuerint: vel  
pauperes Hospitio susceperint: vel pacem in-  
ter inimicos composuerint, seu componi fe-  
cerint, vel procuraverint: sicuti etiam qui  
corpora defunctorum tam Confratrum &  
Confororum, quam aliorum ad sepulturam  
affociaverint: aut quascumque processiones  
de licentia ipsius Vicarii faciendas, idemque  
Sanctissimum Sacramentum tam in processio-  
nibus, quam cum ad infirmos, aut alias ubi-  
cumque & quomodocumque pro tempore  
deferretur, comitati fuerint: vel, si impediti,  
campaenae ad id signo dato semel Orationem

Dominicam, & Salutationem Angelicam di-  
xerint: aut etiam quinquies Orationem, &  
Salutationem eandem pro animabus defun-  
ctorum Confratrum & Confororum hujus-  
modi recitaverint: aut devium aliquem ad  
viam salutis reduxerint: & ignorantes praec-  
cepta Dei, & ea, quae ad salutem sunt, docue-  
rint: aut quodcumque aliud pietatis vel cha-  
ritatis opus exercuerint, toties pro quolibet  
praedictorum operum exercitio sexaginta  
dies de injunctis eis, seu alias quomodolibet  
debitis, poenitentibus in forma Ecclesiae con-  
sueti relaxamus, praesentibus perpetuis fu-  
turis temporibus valituris.

Inhibitione  
haec Confrater-  
nitatis alteri  
aggregatur.

§.5. Volumus autem, quod si dicta Con-  
fraternitas seu Congregatio alicui Confrater-  
nitati aggregetur, vel quavis alia ratione  
uniatur, seu etiam quomodolibet instituat,  
praesentes, & quavis aliae litterae Apostolicae  
illis nullatenus quoad Indulgentias & rem-  
issiones praefatas suffragentur, sed ex tunc  
eo ipso prorsus nullae sint.

Datum Romae apud Sanctam Mariam.  
Majorem sub annulo Piscatoris die 5. Julii  
1732. Pontificatus Nostri Anno Secundo.

F. Card. Oliverius.

LXVI.

Sequitur Erectio ejusdem Congregationis  
& Confraternitatis in Archiconfraternita-  
tem.

Dat. die 9.  
Julii 1732.  
Pontif. An. II.

CLEMENS PAPA XII.

Ad perpetuam rei memoriam.

§.1. Exponi Nobis nuper fecerunt dilecti  
filii Officiales & Confratres Confrater-  
nitatis seu Congregationis sub denomina-  
tione seu titulo: *Perpetuae adorationis Sanctissimi  
Eucharistiae Sacramenti*, in Saeculari & Col-  
legiata Ecclesia S. Mariae ad Martyres, vulgo  
de Rotunda nuncupata, Almae Urbis Nostrae  
existentis, quod Nos per alias nostras in si-  
milli forma Brevi novissime expeditas litteras  
eamdem Confraternitatem seu Congrega-  
tionem sub denominatione praefata auctori-  
tate Apostolica perpetuo ereximus & institu-  
imus, ac illi sic erectae ejusque Confratribus  
& Confororibus nonnullas Indulgentias, &  
peccatorum remissiones, ac poenitentiarum  
relaxationes, sub certis modo & forma tunc  
expressis, itidem perpetuo concessimus, &  
alias, prout in eisdem litteris Nostris uberius  
continetur.

§.2. Cum autem, sicut eadem expositio  
subjungebat, dicti Exponentes, Confraternita-  
tem seu Congregationem hujusmodi Archi-  
confraternitatis titulo decorari, plurimum  
desiderent: Nobis propterea humiliter sup-  
plicari fecerunt, ut sibi in praemissis opportu-  
ne providere, & ut infra, indulgere de beni-  
gnitate Apostolica dignaremur. Nos igitur  
ipsos Exponentes specialibus favoribus & gra-  
tiis prosequi volentes, & eorum singulares

N n 2

per-

personas a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, & absolutas fore censentes, hujusmodi supplicationibus inclinati, Confraternitatem seu Congregationem praedictam in Archiconfraternitatem eum omnibus & singulis praerogativis, juribus, honoribus, & praeminentiis solitis & consuetis, auctoritate praefata tenore praesentium sine cujusque praesentium perpetuo pariter erigimus & institimus; ac ipsius Archiconfraternitatis sic erectae Officialibus & Confratribus praesentibus & futuris, ut ipsi alias quascumque Confraternitates seu Congregationes ejusdem Instituti extra Urbem praedictam ubicumque locorum existentes eidem Archiconfraternitati (servata tamen forma tam Constitutionis se. re. Clementis Papae VIII. Praedecessoris nostri, quam Decretorum Congregationis S. R. E. Cardinalium, Indulgentiis, Sacrisque Reliquiis praeposita die 6. Martii 1606., & die 10. Aprilis 1720. desuper respective editorum) aggregare, illisque omnes & singulas Indulgentias, & peccatorum remissiones, ac poenitentiarum relaxationes, ipsi Confraternitati seu Congregationi, sic in Archiconfraternitatem erectae, a Nobis concessas, communicare libere & licite possint & valeant, auctoritate, & tenore praesentis concedimus & indulgemus.

§.3. Decernentes, easdem praesentes litteras semper firmas validas & efficaces existere & fore, suosque plenarios & integros effectus fortiri & obtinere; ac illis, ad quos spectant, & pro tempore quocumque spectabit, in omnibus & per omnia plenissime suffragari, & ab eis respective inviolabiliter observari; si que in praemissis per quoscumque Judices ordinarios & delegatos, etiam Causarum Palatii Apostolici Auditores, judicari & diffiniri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§.4. Non obstantibus Constitutionibus & Ordinationibus Apostolicis, ac quatenus opus sit, supradictae Confraternitatis seu Congregationis, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium praemissorum quomodolibet concessis, confirmatis, & innovatis. Quibus omnibus & singulis, illorum tenores praesentibus pro plene & sufficienter expressis, ac ad verbum insertis habentes, illis alias suo robore permanens, ad praemissorum effectum hac vice dumtaxat specialiter & expresse derogamus, caeterisque contrariis quibuscumque.

Datum Romae apud S. Mariam Majorem sub annulo Piscatoris die 9. Julii 1732. Pontificatus Nostri Anno Secundo.

F. Card. Oliverius.

Bona Ecclesiastica in Ditione Augusto II. Poloniae Regi, uti Saxoniae Duci subiecta, consistentia, ab haereticis occupata, eisdem, ad Catholicam Ecclesiam unionem vel jam reversis, vel in posterum redituris, remissa declarantur.

CLEMENS EPISCOPVS

Servus Servorum Dei.

Ad perpetuam rei memoriam.

Edes Apostolica, pia Mater, probe agnoscens, assidueque recogitans, potissimam curam, & sollicitudinem suam in Fidei Catholicae, sine qua impossibile est placere Deo, unitate ac integritate retinenda, & animarum, pretioso Christi Domini Sanguine redemptarum, aeterna salute procuranda, sitam esse, nihil praetermittit, ac intentatum reliquit, quod ad eandem fidem, ubi illa viget, factam testam tuendam, ubi vero collapsa est, restituendam, ipsaque Fidelium animas in viam salutis dirigendas judicat pertinere; ac propterea ab Orthodoxa Religione, rectaque via devii & errantibus filiis, quos nunquam obliviscitur, nedum maternum sinum jugiter aperit, sed etiam iter sternit planum, per quod sublatis quibusvis impedimentis ad Christi ovile, atque ad cor facilius redire valeant, prout in Dño conspicit salubriter expedire.

§.1. Cum itaque Nos, qui militantis Ecclesiae, ac universi Domini Gregis regimen in Beatissimo Petro Apostolorum Principe, divinitus accepimus, ac iis Christiani Orbis Provinciae Pastoralis vigilantiae Nostrae studium praecipue impendere debemus, quae opem & operam Nostram magis exposcere videantur, peculiarem usque ab ipsis Pontificatus Nostri primordiis paternae considerationis Nostrae intuitum direxerimus ad Ducatum Saxoniae, ubi scilicet haereticis postremis haece temporibus originem & incrementum sumpsisse dignoscitur, ac pro cuius reductione ad praesentem & Catholicam Fidem plures ex Romanis Pontificibus Praedecessoribus Nostris praefata cum eorum nominis laude strenue multumque elaborarunt: diuque Nobiscum animo reputantes, unde factum sit, quod tot eorumdem Praedecessorum labores, ac collata in eum sinem egregia studia nedum optatus fructus consequuta fuerint, neque impleta ampla illa spes, quam Sancta Dei Ecclesia collocaverat in reversione ad ejus gremium charissimi in Christo filii Nostri Augusti Poloniae Regis Illustris, ipsius Saxoniae Ducis, ac Sacri Romani Imperii Principis Electoris, tum dilectissimi in Christo pariter filii nostri Friderici Augusti Regii Poloniae, & Electoralis Saxoniae Principis, nati sui, qua sibi pollicebatur futurum, ut reliqui incluta Stirpis Saxoniae Principes, ac Populi ipsius Ducatus, monstratam ab iis viam feliciter inirent, ac sicuti Saxoniam Dominum in haerese amplectenda & fovenda olim sequuti fuerant errantem, ita sequerentur recipientem, re accurate perpensa merito dubitaverimus id exinde praesertim provenire, quod plerique aegre adduci valeant ad dimittendum & relinquendum bona Ecclesiastica,

Dat. die 9. Julii 1732. Pontificatus Nostri Anno II.

Proemium

Cause eadem de hujus Constitutione.

Constitutio de qua in Rubrica.

fica, quae praeteritorum temporum injuria ac confusione, dum haereticis in eo Ducatu omnia misceret, occupata ab illis detineatur, utpote qui sine iis bonis vitae humanae subsidiis vel commoditatibus, quibus assueti sunt, exuerentur; eorumque filii & familiae necessaria sustentatione, cui aliunde subvenire nequirent, carere cogerentur, & ad duram paupertatem redigerentur.

§.2. Hinc est, quod Nos, quos constituit Dominus super familiam suam, ut tamquam fidelis servus & prudens Christi patrimonium administraremus, reductionem Ducatus praedicti ad Catholicam & Universalem Ecclesiae unionem, totque animarum salutem nullis retardari debere existimantes; ac proinde, quae Gentem Saxonem a vera Religione proposito, amittendarum facultatum metu, incurrendaeque miserae egestatis horrore retrahere possent, submovere volentes; Nobisque persuadentes, opus reductionis hujusmodi eo majores progressus habiturum fore, quo amplior uberique in bonis ecclesiasticis remittendis Nostra & hujus Sanctae Sedis perspecta fuerit benignitas & indulgentia; post maturam, quam cum aliquot ex venerabilibus Fratribus nostris S. R. E. Cardinalibus desuper habuimus, deliberationem: nonnullorumque Romanorum Pontificum Praedecessorum Nostrorum vestigiis: necnon menti felicis re. Clementis Papae XI. Praedecessoris itidem nostri, Nobis apprimè nota, insistentes, de eorumdem Venerabilium Fratrum Nostrorum consilio & assensu, ac etiam motu proprio & ex certa scientia nostris, deque Apostolica potestatis plenitudine, omnia & singula bona Ecclesiastica cujuscumque qualitatis, quantitatis, & valoris in Ducatu Saxoniae, aliisque Ditionibus, memorato Augusto Regi, uti Saxoniae Duci subiectis, consistentia, praeteritorum temporum confusione occupata, sicut praemittitur, modernis eorum possessoribus, seu detentoribus cujusvis status, gradus, ordinis, dignitatis, conditionis, & praeminentiae fuerint, qui ad Catholicam Ecclesiae unitatem jam redierunt, vel in posterum redierint, eorumque Successoribus quibuscumque Catholicis, & in sinceritate Orthodoxae Fidei perseverantibus, una cum fructibus perceptis, harum serie de speciali dono gratiae plenarie remittimus, condonamus, cedimus, & relaxamus; dictisque possessoribus seu detentoribus, eorumque Successoribus, ut ipsi de bonis praefatis tamquam suis propriis tam inter vivos, quam ex causa mortis, aut alias quomodolibet, disponere possint, plenam & liberam tenore praesentium tribuimus facultatem & potestatem; neque illos pro parte Sedis Apostolicae, Ecclesiarum, Monasteriorum, & locorum piorum, aut personarum Ecclesiasticarum, ad quas & quae bona praedicta olim pertinebant, aut aliorum quorumvis in eis seu ad ea jus vel interesse habentium, seu habere praetendentium, ratione & occasione praemissorum desuper molestari, inquietari, aut perturbari posse, motu, scientia, & potestatis plenitudine paribus, statuimus, decernimus, & declaramus.

§.3. Non obstantibus de jure quaesito non tollendo, aliisque Nostris, & Cancellariae Apostolicae Regulis; necnon recolenda memoriae Symmachi, quae incipit: *Non licet*; ac Pauli Secundi Praedecessorum quoque Nostrorum de rebus Ecclesiae non alienandis, & quibusvis aliis Apostolicis, ac universalibus, Provincialibusque, & Synodalibus Conciliis editis, generalibus vel specialibus Constitutionibus & Ordinationibus; ac quarumcumque Ecclesiarum, Monasteriorum, & locorum Piorum foundationibus, ac etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium praemissorum quomodolibet concessis, confirmatis, & innovatis, caeterisque contrariis quibuscumque.

§.4. Caterum speramus eosdem, Augustum Regem, & Fridericum Principem, Ducatu praefato ad verum Dei cultum ac Orthodoxam Fidem, favente ac benedicente Domino, redacto, pro eorum singulari in Deum ipsum pietate, Ecclesiarum praedicti Ducatus rationes & commoda semper curae & cordi habituros, & quantum in eis erit, promoturos.

§.5. Volumus autem, ut praesentium transumptis, etiam impressis, manu alicujus Notarii publici subscriptis, & sigillo personae in Ecclesiastica Dignitate constitutae munitis, eadem prorsus fides in iudicio & extra adhibeatur, quae ipsis praesentibus, si forent exhibita vel ostensa.

§.6. Nulli ergo omnino hominum liceat hanc paginam nostrae remissionis, condonationis, cessionis, decreti, statuti, ac declarationis, infringere, vel ei ausu temerario contraire; Si quis autem hoc attentare presumpserit, indignationem Omnipotentis Dei, & Beatorum Petri & Pauli Apostolorum ejus se noverit incursum.

Datum Romae apud Sanctam Mariam Majorem, anno Incarnationis Dominicae millesimo septingentesimo trigesimo secundo, septimo idus Julii, Pontificatus Nostri Anno Secundo.

Ego Clemens Catholicae Ecclesiae Episcopus.



Obstantium specialis, ac locuti a d. rogatio.

Fides transumptorum.

Harum litterarum firmitas.

Signum Sanctissimi D. N.

Ego

S.R.E. Cardinalium sub-  
scriptores.

- \* Ego Franciscus, Episcopus Ostien. Cardinalis Barberinus.
- \* Ego Petrus, Episcopus Tusulanus, Cardinalis Ostobonus, S. R. E. Vice-Cancellarius.
- \* Ego Annibal, Episcopus Sabinensis, Cardinalis S. Clementis, S. R. E. Camerarius.
- \* Ego Ludovicus, Episcopus Albanensis, Cardinalis Pius.
- \* Ego I. R. S. Laurentii in Lucina Prior Presbyter, Cardinalis Imperiali.
- \* Ego F. A. Tituli S. Praxedis Presbyter S. R. E. Cardinalis Zoudavari.
- \* Ego P. M. Tituli Sancte Mariae Translyberim S. R. E. Presbyter Cardinalis Corradinus.
- \* \* \* \* \*
- \* Ego Curtius Tituli S. Eustachii S. R. E. Presbyter Cardinalis Origus.
- \* \* \* \* \*
- \* Ego Nicolaus Tituli Sanctorum Nerei & Achillei S. R. E. Presbyter Card. Spinula.
- \* \* \* \* \*
- \* Ego Julius Tituli S. Chrysogoni S. R. E. Cardinalis Alberonus.
- \* \* \* \* \*
- \* Ego Georgius Tituli S. Agnetis S. R. E. Presbyter Card. Spinula, S. Agnetis nuncupatus.
- \* Ego Cornelius Tituli S. Cecilia S. R. E. Presbyter Card. Bentivolar.
- \* \* \* \* \*
- \* Ego Ludovicus Tituli S. Prisca S. R. E. Cardinalis Belluga.
- \* \* \* \* \*
- \* Ego Alvarus Tituli Sancti Bartholomaei in Insula S. R. E. Presbyter Cardinalis Cienfuegos.
- \* \* \* \* \*
- \* Ego Joannes Baptista Tituli S. Matthaei in Merulana S. R. E. Presbyter Cardinalis de Alteriis, Sancti Matthaei nuncupat.
- \* Ego Vincentius Tituli S. Onuphrii S. R. E. Presbyter Card. Petra, Major Penitentiaris.
- \* \* \* \* \*
- \* Ego Nicolaus Maria Tituli Sanctorum Joannis & Pauli S. R. E. Presbyter Cardinalis Lercari.
- \* \* \* \* \*

- \* \* \* \* \*
- \* Ego Frater Ludovicus Tituli Sancti Pancratii S. R. E. Presbyter Cardinalis Gotti, Ordinis Praedicatorum.
- \* Ego D. L. Tituli Sancti Calixti S. R. E. Presbyter Card. Porzia.
- \* Ego Petrus Aloysius Tituli Sancti Laurentii in Pauca & Perua S. R. E. Card. Caraffa.
- \* \* \* \* \*
- \* Ego Franciscus Tituli Sancti Silvestri in Capite S. R. E. Presbyter Cardinalis Burghesius.
- \* \* \* \* \*
- \* Ego A. Tituli S. Mariae de Ara-Celi S. R. E. Card. Salviati.
- \* \* \* \* \*
- \* Ego V. Tituli Sancti Petri in Monte Aureo S. R. E. Card. Bichius.
- \* \* \* \* \*
- \* Ego Antonius Tituli S. Stephani in Monte Calio S. R. E. Presbyter Cardinalis Gentili.
- \* \* \* \* \*
- \* Ego Fr. I. A. Tituli Sancti Martini ad Montes S. R. E. Presbyter Cardinalis Guadagni, Vicarius.
- \* Ego Laurentius Tituli Sancte Mariae in Via lata, Prior Diaconorum, Cardinalis de Alteriis.
- \* Ego C. S. Agnetis Diaconus Cardinalis Columna.
- \* Ego P. SS. Viti & Modesti S. R. E. Diaconus Cardinalis Oliverius.
- \* \* \* \* \*
- \* Ego Alexander Sancte Mariae in Cosmedin S. R. E. Diaconus Cardinalis Albanus.
- \* Ego Alexander S. Mariae de Schala S. R. E. Diaconus Card. Falconerius.
- \* Ego Nicolaus Sancte Mariae ad Martyres S. R. E. Diaconus Cardinalis Judice.
- \* Ego Antonius Sancti Nicolai in Carcere S. R. E. Diaconus Cardinalis Bancherius.
- \* Ego Neri S. Adriani S. R. E. Diaconus Cardinalis Corsinus.
- \* Ego B. SS. Cosme & Damiani S. R. E. Diaconus Cardinalis Ruspoli.
- \* \* \* \* \*
- A. Card. Pro-Datarius.
- F. Card. Oliverius.
- Visa de Curia I. Archiep. Ancyranus.
- L. Martinettus.
- Reg. in Secret. Brevium.
- \* \* \* \* \*

Hospi-

LXVIII.

Det. de 23.  
Julii 1734.  
Fensis An.II.

Hospitale Sancti Lazari, extra muros Placentiae positum, supprimitur, erigiturque in Collegium sub eodem titulo.

CLEMENS EPISCOPUS

Servus Servorum Dei.

Ad perpetuam rei memoriam.

Exordium.

Clericalem vitam eligentibus, sanctisque Ecclesiae regulis & doctrinis a primo aetatis flore imbuendis operam, ac strenuam manum admove cogitantibus, Apostolicum adesse praesidium maxime convenit; ne ullus adversitatis incursum futuros Dei ministros a proposito revocet, neve unquam in eorum animis, quod adit robor sacrae Institutionis, infringat.

Hoc Hospitale Julio Card. Alberoni in administrationem concessit.

§.1. Itaque Hospitale pauperum Sancti Lazari prope & extra moenia civitatis Placentiae Provinciae Bononiensis, quod dudum certo tunc expresso modo Administratore, seu Rectore carens, Nos dilecto filio nostro Julio Tituli Sancti Chrysogoni Presbytero Cardinali, Alberoni nuncupato, per eum, quoad vixerit juxta Constitutionem fel. rec. Clementis Papae V. Praedecessoris Nostri, in Concilio Viennensi editam, tenendum, regendum, & administrandum, Apostolica auctoritate commisimus; in quo olim pauperes leprosi ex christiana charitate recepti curabantur: cessante vero postmodum lepra morbo, nec per Italiam amplius grassante, cum a dicti Hospitalis Rectoribus & Administratoribus loco leproforum pauperes senes invalidi, ac etiam juvenes utriusque sexus ibidem admitterentur, licet Hospitale praedictum per plures annos non modicum utilitatis pauperibus Dioecesis Placentinae Provinciae praedictae attulerit, & nihilominus tractu temporis ex diversitate in eo commorantium, non levia incommoda prodierint, dictusque Julius Cardinalis, qui ex praedicta Civitate, Placentina natales accepit, porrectis Nobis humilibus precibus Hospitale praedictum in meliorem & longe utiliorem statum ad Dei gloriam, publicumque Ecclesiae bonum, ex redditibus dicti Hospitalis, ac etiam ex suo convertere proposuerit, pro sua pietate & rerum gerendarum prudentia pristinam in Ecclesiae Ministris disciplinam & mores pro dignitate reparare atque instaurare cupiens, in eodem Hospitali Collegium pro Clericis saecularibus universae Dioecesis praedictae, ante illorum ad sacros Ordines promotionem spiritualia exercitia peracturis: etiam pro aliis Clericis pariter saecularibus, qui studiis suis nondum completis ex Seminario Dioecetano dimissi fuerint: ac pro aliis Alumnis seu Convictoribus tam dicti Seminarii, quam totius Dioecesis studiis perinde ecclesiasticis, sacrisque Ritibus imbuendis, ut infra, per Nos erigi & institui plurimum desideret.

Quid hinc in causa fuerit, ut illud converteret in Collegium.

§.2. Nos ejusdem Julii Cardinalis laudabile propositum, piisque desiderium, plurimum in Dño commendantes, ac Clericis praedictis

specialem gratiam facere volentes, dictique Hospitalis fundationem & institutionem, etiam illa Apostolica auctoritate, consecrata fuissent, necnon Hospitalis praedicti statuta, Apostolicae Sedis auctoritate etiam pluries confirmata & approbata, ac pias ultimas voluntates quascumque quorumcumque pie testantium, & donationes & largitiones Christianifidelium in dicti Hospitalis bonum, quandocumque & cum quibusvis oneribus & obligationibus factas, etiam per quemvis contractum nominatum vel innominatum, ac speciem transactionis habentem, praesentibus pro plene & sufficienter ac de verbo ad verbum expressis habentes, illarumque omnium & singularum dispositionibus, contractibus, transactionibus, conventionibus, quantumvis validis & efficacibus, & pias publicasque causas respicientibus, ac valide, etiam inter pie Testantes ac Christianifideles, & Hospitale hujusmodi inchoatus vim habentibus, & quomodolibet stipulatis, derogantes Motu proprio, & ex certa scientia, deque Apostolicae potestatis plenitudine Nostri, omnes & singulas personas, quae nunc in eodem Hospitali reperiuntur, assignata prius cuilibet earum annua praestatione ad eorum, & cuilibet illorum naturalem vitam duratura, ac de sex mensibus in sex menses anticipatae persolvenda, centum quinquaginta librarum monetae Placentinae: necnon Ministros praedicti Hospitalis, retentis tamen ex eis illis, quos dictus Julius Cardinalis Collegio, ut infra erigendo, inservire idoneos putaverit: & quoad dilectum filium nunc existentem Hospitalis hujusmodi Rectorem, curam animarum annexam habentem, ipse donec & quousque de aliquo perpetuo beneficio Ecclesiastico, ad sui congruam sustentationem sufficienti, provisorius, aut ei pensio annua perpetua sufficiens, Apostolica auctoritate reservata, seu Congrua alimentaria arbitrio Venerabilis Fratris Episcopi Placentinae, sive ejus Vicarii in Spiritualibus generalis, taxanda, assignata fuerit, ab Hospitali praedicto amoveri non possit, Apostolica auctoritate perpetuo amovemus. Dictum vero Hospitale, & omnia ac singula ejus onera, ac pia opera in vim cujuscumque etiam testamentariae dispositionis ex causa mortis consecrata, & in executionem ultimarum piarum voluntatum, necnon commune & publicum bonum, ac commodum respicientis, aut alias omnino adimplenda, etiam vigore cujusvis contractus, consensu dicti Julii Cardinalis nobis praestito, Apostolica auctoritate perpetuo supprimitur & extinguimus.

Hospitale supprimitur cum derogationibus etc.

§.2. Eadem auctoritate, ac motu pari, similiter perpetuo in Hospitali sic suppresso & extincto erigentes atque instituentes Collegium sub denominatione ac titulo ejusdem S. Lazari, per d. Julium Cardinalem ejusque successores perpetuo regendum & gubernandum, etiam per Ministros & Officiales, sibi suisque successoribus beneficos, ac unum Rectorem saecularem Presbyterum, ad ipsius Julii Cardinalis & ejus successorum nutum semper & quandocumque amovibilem, deputandum, etiam ad curam animarum Parochianorum Eccle-

Hospitali suo suppresso Collegium constituitur.

Jus d. Cardinalis, ejusque successoribus super eo competens.

Eccle-

Ecclesie prædicti Sancti Lazari jam dudum dicto Hospitali suppresso unitam, de gremio tamen post deputationem primi Rectoris Collegii erigendi ad instar nominationum, quæ a Regularibus pro assumendis Presbyteris ad animarum curam in eorum Ecclesiis Parochialibus fieri solent, & ab Ordinario loci ad eandem curam animarum exercendam approbandi, prædicta cautione quoad jam existentem Rectorem Curatum salva & illa remanente: ad hoc, ut in Collegio erigendo recipi valeant Clerici sæculares universæ Diocesis prædictæ, ad sacros Ordines promovendi, ut ipsi in illo Spiritualia exercitia antequam ad quemlibet ex sacris Ordinibus promoveantur, rite peragere valeant: quique ad Collegium, ut infra erigendum cum approbatione Episcopi seu Vicarii prædictorum admitti debeant: quique pro suis alimentis, durantibus exercitiis prædictis, ab eis suscipiendis congruam ac debitam præstationem juxta temporum opportunitatem solvere teneantur; alii vero Clerici ex Seminarii Placentini Alumnis & Convictoribus studia Sacrarum literarum ac Theologiae theoreticæ & practicæ prosequantur, venerandosque Ritus ecclesiasticos, sacras Cœrimonias, & cantum Gregorianum sub Præceptoribus, qui sint Presbyteri sæculares in sacra Pagina, ac Verbo Dei scripto & tradito probe eruditi, perdiscant; & ipsi Clerici, hoc pacto imbuendi, ex Alumnis pro tempore existentibus dicti Seminarii, præ aliis quibuscumque selecti, gratis admittantur; atque ex Convictoribus ibidem existentibus assumendi eadem præstatione pariter frui debeant, ac sub justo annuo stipendio recipiantur: hac tamen conditione, ne Alumni & Convictores prædicti sine prævia approbatione Episcopi seu Vicarii hujusmodi in prædictum Collegium erigendum admitti possint; utque sub regimine Presbyterorum sæcularium, a dicto Julio Cardinali ejusque successoribus eligendorum & deputandorum, vivere teneantur.

§.3. Collegio autem sic erecto & instituto pro illius, ac Clericorum in eo retinendorum, necnon Rectoris, prælectorum Magistrorum, aliorumque loci Ministrorum sustentatione omnia & singula bona, res, proprietates, & actiones, ad Hospitalis suppressum, Rectoremque Curatum respectivè antea quomodolibet spectantia, tamen ab omnibus & quibuscumque oneribus & obligationibus quorumcumque piorum operum adimplendorum a pie Testantibus, aliisque Christianis prædictis causa mortis, aut in actu donationum, quæ dicuntur fieri inter vivos, quomodolibet injunctis, penitus & omnino eximentes & liberantes; illorumque omnium & singulorum fructus, redditus, & proventus, qui antea in Hospitalis suppressi usum impendebantur, quique, ut accepimus, octodecim millium librarum monetæ Placentinæ valorem annum non excedunt, prædicto Julio Cardinali, sive ejus Procuratori deputando, ut bonorum, rerum, & proprietatum hujusmodi veram realem & actualem possessionem nomine dicti Collegii apprehendere, & apprehensam retinere possit, Diocesanæ loci vel

Qui sine in Collegium recipiendi.

Alumnorum Privilegia.

Redditi assignatio.

cujusvis alterius facultate minime in his requisita, eadem auctoritate, perpetuo applicamus & appropriamus.

§.4. Amotionem vero, suppressionem, extinctionem, erectionem, institutionem, applicationem, & appropriat onem prædictas; necnon easdem præsentis literas semper & perpetuo validas & efficaces fore & esse; & ab omnibus, ad quos spectat, observari debere; nec illas ullo unquam tempore de subreptionis vel obreptionis aut nullitatis vitio sive intentionis nostræ aut quopiam alio quantumvis substantiali defectu, etiam ex eo, quod cause, propter quas illæ emanarunt, sufficienter adductæ, examinatæ, verificatæ, & approbatæ; & quicumque in præmissis & circa ea interesse quomodolibet habentes, ad id vocati & auditi non fuerint, nec iisdem præmissis consensum suum præstiterint, notari, impugnari, retardari, invalidari, suspendi, annullari, aut ad viam & terminos juris reduci, aut adversus eas quodcumque juris aut gratiæ remedium impetrari unquam posse; nec illas sub quibusvis similibus vel dissimilibus gratiarum revocationibus, suspensionibus, limitationibus, aut aliis contrariis dispositionibus comprehendis sed semper ab illis excipi, & quoties illæ emanabunt, toties in pristinum & validissimum statum restitutas, repositas, & plenarie reintegratas, ac de novo etiam sub quacumque posteriori data quodcumque eligenda concessas, semper & perpetuo validas & efficaces fore & esse, suosque plenarios & integros effectus sortiri & obtinere. Sicque, & non alias, per quoscumque Judices ordinarios vel delegatos, quavis auctoritate fungentes, etiam Causarum Palatii Apostolici Auditores, etiam de Latere Legatos, Vicelegatos, & Sedis Apostolicæ Nuncios, & alios quoscumque quavis auctoritate, potestate, prærogativa, & privilegio fungentes, sublata eis & eorum cuilibet quavis aliter judicandi, definiendi, & interpretandi facultate & auctoritate, judicari, diffiniri, & interpretari debent; & quid quid secus super his a quoquam quavis auctoritate scienter vel ignoranter contigerit attentari, irritum & inane decernimus.

Obstantium derogatio.

§.5. Non obstantibus, quatenus opus sit, nostris, & Cancellariæ Apostolicæ Regulis de jure quæsito non tollendo, ac de gratiis non concedendis ad instar, & Lateranensis Concilii novissime celebrati, suppressiones perpetuas, nisi in casibus a jure permissis, fieri prohibentis, aliisque Apostolicis, etiam in Synodalibus, Provincialibus, Generalibus, Universalibusque Conciliis editis vel edendis, specialibus vel generalibus Constitutionibus & Ordinationibus, dictique Hospitalis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eidem Hospitali, ut præfertur, suppresso, illiusque Rectori & Superioribus, aliis in contrarium præmissorum etiam pluribus concessis, approbatis, & innovatis; necnon ejusdem Hospitalis fundatione & institutione, ac piis ultimis voluntatibus prædictis, & quibuscumque contractibus.

Qui-

Quibus omnibus & singulis, etiam si pro sufficienti illorum derogatione, de illis eorumque totis tenoribus specialis, specifica, & expressa, ac de verbo ad verbum, non autem per clausulas generales idem importantes, mentio, seu quavis alia expressio servanda foret, eorum tenores his eisdem præsentibus etiam pro plene & sufficienter expressis habentes, illis aliis in suo robore permanentibus, latissime & plenissime ac specialiter & expresse motu, scientia, & potestatis plenitudine similibus, hac vice dumtaxat derogamus, & derogatum esse volumus, ceterisque contrariis quibuscumque.

Jura Card. Al. beroni concessa eius successoribus asseruntur.

§.6. Volumus autem, ut dictus Julius Cardinalis, ejusque successores prædicti, perceptione omnium & singulorum fructuum, reddituum, & proventuum, hucusque per eundem Julium Cardinalem percipi solitorum, ac juribus, & præminentis universis, quibus ipse Julius Cardinalis hæcenus gravissimus fuit, necnon plena & omnimoda jurisdictione super Collegio, ut præfertur, erecto, frui & gaudere libere & licite possint & valeant.

§.7. Nulli ergo omnino hominum liceat hanc paginam nostræ amotionis, suppressionis, extinctionis, erectionis, institutionis, applicationis, appropriationis, decreti, derogationis, & voluntatis, infringere, vel ei ausu temerario contraire; si quis autem hoc attentari præsumpserit, indignationem Omnipotentis Dei, ac Beatorum Petri & Pauli Apostolorum ejus, se noverit incursum.

Datum Romæ apud Sanctam Mariam Majorem Anno Incarnationis Dominicæ millesimo septingentesimo trigésimo secundo, tertio Idus Julii, Pontificatus Nostri Anno Secundo.

A. Card. Pro-Datarius. F. Card. Oliverius.

LXIX.

Pat. die 31. Julii 1732. Pont. An. III.

Confirmatur Breve Benedicti XIII. quo statuitur, ne quis Monachus Ordinis Carthusien. gratias vel officia, inconsultis ejusdem Ordinis Superioribus, ab Apostolica Sede possit impetrare.

Hanc Benedicti XIII. PP. Constitut. legere est in præcedenti Vol. num. LXXXVI. pag. 28.

CLEMENS PAPA XII.

Ad perpetuam rei memoriam.

Exordium.

EX injuncto Nobis coelitus Apostolica servitutis munere illa, quæ a Romanis Pontificibus Prædecessoribus Nostri pro felici Christianissimum, divinis obsequiis sub suavi Religionis jugo mancipatorum, statu conservando, & firmiter stabilendo pie provideque emanasse noscuntur, ut solidiori robore perennent, Apostolici muniminis præsidio, cum id a nobis petitur, libenter constabilimus.

§.1. Alias siquidem fel. rec. Benedicto PP. XIII. Prædecessori Nostro pro parte di-

lecti filii Vincentii Dinelli Procuratoris Generalis Ordinis Carthusien. exposito, quod aliqui ipsius Ordinis Monachi, ambitionis spiritu ducti, officia dicti Ordinis ab hac Sancta Sede per importunas preces impetrare non erubescerent, cum maximo regularis disciplina detrimento, ac propterea eidem Benedicto Prædecessori pro parte dicti Vincentii Procuratoris Generalis supplicato, ut in præmissis opportune providere de benignitate Apostolica dignaretur, idem Benedictus Prædecessor incommodis, quibus ea de causa Ordo prædictus afficiebatur, obviam ire volens, hujusmodi supplicationibus inclinatus, ne de cetero perpetuis futuris temporibus quicumque dicti Ordinis Monachus a prædicta Sede quodvis officium, seu gratiam, absque speciali sive Prioris majoris Carthusiæ, vel Procuratoris Generalis pro tempore existentis ejusdem Ordinis licentia & consensu, quoquo modo impetrare posset, auderet, vel præsumeret, Apostolica auctoritate statuit & ordinavit, & alias, prout in memorati Benedicti Prædecessoris literis, desuper in simili forma Brevis die 20. Augusti 1725. expeditis, uberius continetur.

Bened. XIII. Decretum.

A. S. D. N. Co. ait. mat. r.

§.2. Cum autem, sicut dictus Vincentius Procurator Generalis, Nobis nuper exponi fecit, ipse præmissa, quò firmiter subsistant, & inviolabiliter serventur, Apostolicæ confirmationis nostræ robore communiti summo perdesideret: Nos, specialem ipsi Vincentio Procuratori Generali gratiam facere volentes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, prædictas Benedicti Prædecessoris literas, omniaque & singula in eis contenta, dicta auctoritate tenore præsentium perpetuo approbamus & confirmamus, illisque inviolabilis Apostolicæ firmitatis robur adjicimus.

Clausula.

§.3. Decernentes, easdem præsentis literas semper firmas, validas, & efficaces existere & fore, suosque plenarios & integros effectus sortiri & obtinere; ac ab illis, ad quos spectat & pro tempore quodcumque spectabit, in omnibus & per omnia inviolabiliter observari; sicque in præmissis per quoscumque Judices ordinarios & delegatos, etiam Causarum Palatii Apostolici Auditores, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§.4. Non obstantibus Constitutionibus & Ordinationibus Apostolicis, necnon omnibus & singulis illis, quæ in iisdem Benedicti Prædecessoris literis concessa sunt non obstante, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die 31. Julii 1732. Pontificatus Nostri Anno Tertio.

F. Card. Oliverius.

Q

LXX. De-